



Pistill sveitarstjóra



Kæru íbúar og aðrir lesendur Áveitunnar.

Fjör í Flóa

Hátíðin fór fram dagana 31. maí-2. júní og tókst hún vel. Jóna var haldið í Þjórsárverri seinnipart föstudags og svo skellti fólk sér í fjölskyldugöngu á sem var vel sótt þrátt fyrir rigningu. Eftir göngu um land Súluholts og Kirkjuholt komu göngugarpar inn í hlýjuna í skemmuni hjá Gumma og Rúnari í Súluholti og bauð Flóahreppur upp á lifandi tónlist, kakó, kaffi og veitingar. Fjölmenni sótti dagskrá í Þingborg á laugardegnum. Þar var markaður, kökubasar, vöfflu- og pylsusala, andlitsmálning, leiktæki, leikþættir, tónlistaratriði, málverkasýning, LEGO sýning,

kökuskreytingakeppni og kassabílarallý svo fátt eitt sé nefnt!

Opin hús voru haldin víðsvegar um sveitarfélagið og voru þau ágætlega sótt.

Menningarstyrkur Flóahrepps var veittur og tóku fulltrúar Íslenska bæjarins við menningarstyrk fyrir verkefni „Fuglarnir í mýrinni“ og fulltrúi frá Skógræktarfélagi Villingaholtshrepps tók við styrk fyrir verkefnið „Uppbygging á skógræktarreitnum Skagási“.

<https://www.floahreppur.is/is/frettir/menningarstyrkur-2024>



Íþrótt- og afreksfólk Flóahrepps 2023 var verðlaunað en í ár hlaut Kolbrún Katla Jónsdóttir kraftlyfingarkona frá Lyngholti titilinn en hún hefur náð eftirtektarverðum árangri í íþróttinni. Ákveðið var að veita sérstaka viðurkenningu fyrir óeigingjarnt starf í þágu íþrótt- og æskulýðsmála í sveitarfélaginu og hlaut Fanney Ólafsdóttir á Hurðarbaki þann heiður.

<https://floahreppur.is/is/frettir/ithrotta-og-afreksfolk-floahrepps-2023>

Á bakvið hátíð sem þessa liggja margar vinnustundir hjá þeim sem að undirbúningnum koma. Fulltrúar í íþrótt- æskulýðs- og menningarnefnd Flóahrepps eiga stórt hrós og þakklæti skilið fyrir óeigingjarna vinnu við að móta skemmtilega dagskrá fyrir okkur hin. Félagsmenn í ungmennafélaginu Þjótanda og kvenfélögunum vinna ómetanlegt starf fyrir samfélagið okkar og eru lykilaðilar í því að svona hátíð geti gengið upp og verið eins glæsileg og raun ber vitni. Íbúum og fyrirtækjum sem héldu opin hús er þakkað fyrir þátttökuna og að lokum þeim gestum sem lögðu leið sína á viðburði og í Flóahrepp til að taka þátt í dagskránni.

Vinnuskóli Flóahrepps og samfélagsverkefni Margar hendur

Vinnuskóli Flóahrepps hóf störf 5. júní og eru verkstjórar í ár Sigurður Þór Emilsson og Þórunn Sturludóttir Schacht. Starfsmenn vinnuskólans eru nálægt 30. Það eru ýmis verkefni sem unglíngarnir vinna að í sumar og má þar nefna fegrun umhverfisins við stofnanir og fasteignir sveitarfélagsins, ruslatínsla, vinna í kirkjugörðum, störf á leikskólanum Krakkaborg, aðstoð á leikjanámskeiði og á reiðnámskeiðum og margt fleira. Krakkarnir sýna dugnað og metnað í verkefnum sínum og sjáum við



strax árangur af þeirra störfum. Starfsemi vinnuskólans verður fram í lok júlí og verkstjórar starfa svo áfram við slátt og aðra umhirðu.

Flóahreppur sótti um í samfélagsverkefni Landsvirkjunar „Margar hendur“ og fékk umsóknina samþykkt. Í því verkefni koma ungmenni sem eru í sumarstörfum hjá Landvirkjun í fimm daga til starfa innan Flóahrepps og hafa þau m.a. tínt rusl meðfram Þjóðvegi 1 og á opnum svæðum á iðnaðar- og athafnarsvæðinu í Heiðargerði, aðstoðað skógræktarfélag við verk í Skagási, grisað og snyrt tré og margt fleira. Þau hafa staðið sig virkilega vel og frábært að auka hendur til að starfa við fegrun umhverfisins hjá okkur.

Hreinsunaráttak í lok maí og endurgreiðsla Úrvinnslusjóðs fyrir 2023

Sveitarfélagið stóð fyrir opnum dögum á gámasvæðinu okkar í Hrísmýri í lok maí. Íbúar nýttu vikuna vel og töluvert magn af ýmiskonar úrgangi skilaði sér inn á svæðið þessa daga. Íslenska gámafélagið tekur saman upplýsingar um magn og tegund úrgangs sem skilaði sér þessa viku og verður áhugavert að sjá þær upplýsingar.

Nú á dögumum barst lokauppgjör Úrvinnslusjóðs vegna ársins 2023 en sjóðurinn endurgreiðir sveitarfélögum fyrir ákveðna tegund úrgangs í formi úrvinnslugjalds. Samkvæmt loka skilagrein ársins 2023 þá fékk Flóahreppur 5,2 milljónir í formi úrvinnslugjalds á plast- og pappambúðum, málm og gleri. Það munar mikið um þessa endurgreiðslu sem rennur beint inn í málaflokkinn. Með áframhaldandi góðum árangri íbúa og fyrirtækja í flokkun þá getum við saman hækkað þessa upphæð enn frekar sem á að skila sér í minni hækkunum á sorphirðugjöldum í sveitarfélaginu.

Hátíðarhöld á 17. júní

17. júní var haldinn hátíðlegur í Flóahreppi að vanda og var dagskráin vegleg í ár af tilefni 80 ára afmæli lýðveldisins. Íbúar og fyrirtæki flögguðu íslenska fánanum víða í tilefni dagsins.

Sveitarstjóri Flóahrepps fór í heimsókn til íbúa sem búsettir eru í sveitarfélaginu sem verða 90 ára á árinu eða eru eldri en 90 ára. Fengu þau sumarblóm og glaðning, bókina *Fjallkonan, þú ert móðir vor kær* ásamt lýðveldiskökum sem bakaðar voru af tilefni stórafmælis lýðveldisins.

Í Einbúa var haldin hátíðar- og skemmtidagskrá þar sem Ungmennafélagið Þjótandi stóð fyrir fótboltakeppni, leikjum og þrautum fyrir allan aldur. Flutt voru ávörp fjallkonu og nýstúdents en í ár var Þórunn Sturludóttir Schacht frá Fljótshólum fjallkona og Kristín Lilja Sigurjónsdóttir í Egilsstaðakoti flutti ávarp nýstúdents. Trúbadorinn Alexander Freyr Olgeirsson hélt uppi stemmningunni í fjöldasöng og gestir gæddu sér á kaffi og lýðsveldiskökum af tilefni 80 ára afmæli lýðveldisins.





Dagurinn tókst vel og gleðin skein úr andlitum gesta. Góð mæting var í Einbúa og veðrið lék við hátíðargesti. Íbúar og aðrir eru hvattir til að nýta sér þetta frábæra útivistarsvæði í Einbúa en á dögnum var vegurinn að svæðinu lagfærður og er vel fær öllum bílum.

Undirbúningsnefnd 17. júní ásamt öllum þeim sem komu að undirbúningi, fegrun svæðisins og dagskránni á einn eða annan hátt eru færðar kærar þakkir fyrir þeirra mikilvæga framlag.

<https://www.floahreppur.is/is/frettir/fra-17-juni-hatidarholdum>

Framkvæmdir í sumar

Í sumar eru ýmsar verklegar framkvæmdir í gangi í sveitarfélaginu. Unnið er að breytingum innanhúss í Flóaskóla og er stefnt að því að þær klárast fyrir skólabyrjun. Einnig verður farið í palla fyrir útikennslusvæði við heimilisfræði- og smíðastofur og malbiksframkvæmdir við skóla og á planinu verða kláraðar. Unnið er að undirbúningi þess að koma upp varaafli og ljósleiðaratengingu á alla dæluskúra vatnsveitunnar til að auka afhendingaröryggi vatns. Einnig stefnt að því að fara í framkvæmdir við vatnslögn frá Merkurhrauni að Huldu- og Maríuhólum samhliða framkvæmdum í hverfinu. Málun innan- og utanhúss í fasteignum sveitarfélagsins, ýmis viðhaldsverkefni og margt fleira.

Sumarlokun skrifstofu

Sumarlokun skrifstofu Flóahrepps í Þingborg verður eftirfarandi sumarið 2024:

- **15. júlí – 5. ágúst** **Skrifstofa lokuð vegna sumarleyfa.**

Hefðbundin opnun skrifstofu verður frá og með þriðjudeginum 6. ágúst.

- **Vaktsími vatnsveitu Flóahrepps: 862-6848** – sótt er um nýtingar á heimasíðu Flóahrepps
- **Vegna seyrulosunar og hreinsunar: seyra@seyra.is eða sími 480-5550**
- **Íslenska Gámafélagið Hrismýri á Selfossi: igf@igf.is eða sími 482-3371 (opið mánudaga-föstudaga kl. 13:00-17:00)**

Klippikort/inneignarkort í sumar þar sem skrifstofa Flóahrepps verður lokuð dagana 15. júlí – 5. ágúst þá verður hægt að nálgast klippikortið/inneignarkortið á gámasvæðinu í Hrismýri á því tímabili. Nánari upplýsingar verða settar á heimasíðu Flóahrepps.

Næsti fundur sveitarstjórnar:

Næsti fundur sveitarstjórnar Flóahrepps verður þriðjudaginn 2. júlí kl. 16:00 Þingborg.

Hulda Kristjánsdóttir, sveitarstjóri